

Наг есмь добродетelmi, || богат страстьми, детонки, всесквернен и гнусен пред господем. Омойте мя слезами своими, очистите мя! Не знаю как, вышед из земли той, к вам и глаз появиться — по всему черви: и в сердцы, и в устах, и слухом, и видом, и помышлением. И несть того греха, его же не сотворих, но о всех пред всеми каюся. Блуден есмь и вещьлюбая, объаствлив и многосонлив, тщеславуя, ненавидя всех, наипаче же осуждая всех человек, а себя праведника мня. Есмь бо мытарь, и варвар, и скиф дела. Право, черемисин лучши меня. Токмо верою единою уповаю приити к богу и стати непостыдном лицем человеческим. Егда придет со облаки небесными, тмы тмами предстанут ему херувими и тысяща тысящами послужат ему серафими, со || ангельскими чиньми. И мы с вами вчинени будем с ними. л. 83

Радуйтесь, братие, всегда и паки, реку, радуйтесь! Господь близ, ничим же пецытеся. Кротость ваша разумна да будет всем человеком. Ничто же тако веселит Христа, якоже кротость размешена с любовью. Кротость бо есть, рекоша отцы, мати мудрости и разуму и всем добрым делом. Поживите господа ради с любовию в кротости, не възимайтеся умы вашими выше небес, мудрвствующе ветреным учением. Живи, как жиша отцы наши, зреша землю и съчитаху часы и дни, когда смерть придет, и обретоша покой и безъконечное блаженство. А ныне в развращенном роде, всяк, заломя голову, глядит в небо. Остролог прочитая, поганую книгу, звездочетцы и алманашники, поганцы, || коловратство небесное и пошествие звездное смечают, а не разумеют, яко в верей ада заидоша, чада геены и сыны дияволи, гордостию надымаяся, увы, погибоша! Аще кто и не звездочетц, и он от десных погибает. Эделает некую добродетель, да и растопыршит ево диявол. Или слово проглаголет разумно, или от имени даст нищим, или помолитвует, или ино нечто от таковых сотворит, яже к богу, да и величается тем, яко кал^а на навозной куче. л. 84

Молю вы всех, работающих господави, не послушати таковых учителей. Аще хотя мало в чем себя похвалит, прочитая завет и пророки, несть бо от бога таковой, но часть сатанина, в души его ликует диявол. Хваляй же ся о госпode, да хвалится, сиречь се Иона^б тако глаголет: «Господь, || а не я». Аз должен послужити слову по благодати, тако о нем разумеваю. А аще кто вящшого сподобился дара и разумеет тончайши моего смысла, да и просветит и мою слепую душу, аз должен повинутися правде, да затем челом, да прощение со смиренною мудростию. А не яко фарисей, восхитивше Моисеово седалище, ветры гоня учением безумным, веру тля и людми колебля. Называешься учитель, а яже глаголеш, и сия не разумееш, понеже житием живеш слабким, по совести догмат разсудити неискусен. Едино вытвердил со дьяволом: «Я знаю, меня слушай. Прочии же не знают столко». Есть их, бедных, в нынешнее смущенное время, насрал их диявол! Иной учит: «„Ника“ при кресте не подобает писати»; а иной смущает: «Никон — последней || антихрист»; а иной блядословит: «Благодать взята от земли на небо, и не приносятся, де, дарове и жертвы о гресех всего мира»; а иные браки възбраняют. И тех и сих соблазнов не въписать мне в сию книгу. Блюстися подобает от никониянских уставов, а преданная во святых наших книгах, не изменяти. А последнего тово антихриста еще подождать, той же дух в сынох противления, дияволь.^в Да жди же последнего то чорта, не бо опасно свем^г в лице указать. Молитися подобает, а не испытовати много. А у нас л. 85

^а Слово стерто и по стертому написано карандашом.

^б Испр.; в ркп. Иона.

^в Испр.; в ркп. диявол. ^г Так в ркп.